



DIREKTOR DRUŠTVA	Strana: 1 od 2
Broj protokola: 05-1-15-1-2358-24/23	JAVNO

Datum: 16.06.2023. god.

Na osnovu čl. 45. i 48. Statuta J.P. Međunarodni aerodrom "SARAJEVO" d.o.o. Sarajevo i člana 50. stav (3) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, Uprava J.P. Međunarodni aerodrom "SARAJEVO" d.o.o. Sarajevo, postupajući po žalbi ENERGOINVEST SUE d.d. Sarajevo, podnesenoj na Odluku o izboru najpovoljnijeg ponuđača u postupku nabavke radova: Rekonstrukcija automatike i zamjena motora na aerodromskim agregatima, na svojoj 149. sjednici održanoj dana 16.06.2023. godine, donijela je

ODLUKU

I

Žalba Žalitelja ENERGOINVEST SUE d.d. Sarajevo, zaprimljena na protokol Naručioca dana 09.06.2023. god. pod brojem: 05-3-25-1-2358-22/23, izjavljena na Odluku o izboru najpovoljnijeg ponuđača, broj: 05-1-25-1-2358-18/23 od 30.05.2023. god., u postupku nabavke radova: Rekonstrukcija automatike i zamjena motora na aerodromskim agregatima, **USVAJA SE KAO OSNOVANA**, te se odluka o izboru poništava.

II

Nakon ponovne evaluacije ponuda za nabavku radova iz tačke I ove Odluke, prihvatljivom se ocjenjuje ponuda ponuđača **ENERGOINVEST SUE d.d. Sarajevo**, broj: 364-ES/23, zavedena na protokol Naručioca pod brojem: 06-1-25-1-2358-11/23 od 16.05.2023. god., koji je ponudio cijenu za navedenu nabavku u iznosu od: **228.311,00 KM, bez PDV-a**.

III

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci radova iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Odlukom J.P. Međunarodni aerodrom "SARAJEVO" d.o.o. Sarajevo, broj: 05-1-25-1-2358-18/23 od 30.05.2023. god. u postupku nabavke radova: Rekonstrukcija automatike i zamjena motora na aerodromskim agregatima, najpovoljnijom je ocijenjena ponuda ponuđača ELCOM d.o.o. Tuzla.

Dana 09.06.2023. godine zaprimljena je Žalba ponuđača ENERGOINVEST SUE d.d. Sarajevo, (u daljem tekstu: Žalitelj), broj: 05-3-25-1-2358-22/23, izjavljena na navedenu Odluku.

Po prijemu žalbe, a postupajući po nalogu direktora Društva, Komisija za nabavku naprijed navedenih radova, imenovana Rješenjem broj: 05-1-25-1-2358-4/23 od 27.04.2023. god., sastala se dana 13.06.2022. god., konstatovala da je žalba dopuštena, izjavljena od osobe ovlaštene za predstavljanje i blagovremena.

Navodi žalbe:

Na osnovu izvršenog uvida u ponude dana 08.06.2023. godine, Žalitelj smatra da odabrani ponuđač ELCOM d.o.o. Tuzla nije dostavio ponudu u skladu sa zahtjevima Tenderske dokumentacije.

Naime, Žalitelj tvrdi da je odabrani ponuđač u ponudi na strani 45. dostavio Aneks VIII – Spisak ekvivalentnog materijala i opreme, te je u tabeli naveo da za zahtijevani artikal: „1kom ATS 1250A (automatski transfer switch), 4P, proizvođač FG Wilson ili ekvivalent“, nudi ekvivalentni artikal „OTM1250E4CM230C, motorizovana sklopka za izmjenu napajanja, 4P, 1250(AC21A/AC22A)“. Suština navedenog se ogleda u tome da je zahtijevano da artikal bude automatski, a ne motorizovani kako je navedeno u ponudi. Uz žalbu je priložen detaljan opis rada zahtjevanog komponente, uz obimnu tehničku dokumentaciju koja ide u prilog žalbenom navodu.

Cijeneći navode iz žalbe, izvršena je provjera njihove tačnosti, nakon čega je konstatovano da su isti osnovani.

Tačkom 5.10 Tenderske dokumentacije je zahtijevano sljedeće:

„Ukoliko ponuđač nudi opremu ili materijal koje je ekvivalentan traženom, ponuđač mora tehničkom dokumentacijom (katalog proizvođača sa tehničkom specifikacijom, važeći atest ili važeći certifikat o usklađenosti materijala i opreme koje je izdat od ovlaštenog tijela za ocjenjivanje usklađenosti ili bio kojim

Vrsta dok.	Izdavač
ODL	5-01
Strana: 2 od 2	
JAVNO	

drugim prikladnim sredstvom), koju mora dostaviti uz ponudu, za svaki ekvivalentan element opreme ili materijal iz Aneksa VII dokazati da oprema ili materijal koji nudi ima tehničke, estetske, funkcionalne, izvedbene i druge karakteristike jednake ili bolje od onih koje ima tražena oprema i materijal.“

Ponuđač Elcom d.o.o. Tuzla, je dostavio Aneks VIII - Spisak ekvivalentnog materijala i opreme, u kojem je za zahtijevani artikal „1kom ATS 1250A (automatski transfer switch), 4P, proizvođač FG Wilson ili ekvivalent“, ponudio ekvivalentni artikal „OTM1250E4CM230C, motorizovana sklopka za izmjenu napajanja, 4P, 1250(AC21A/AC22A)“. Dostavljen je i tehnički list kao dokaz da se radi o ekvivalentnom artiklu.

Ponovnim detaljnim pregledom tehničkih karakteristika tražene komponente i komponente koja je ponuđena kao ekvivalent, Komisija je konstatovala slijedeće:

Dostavljeni artikal „OTM1250E4CM230C“ koji se nudi kao ekvivalent da bi postigao punu funkcionalnost kao zahtijevani artikal, potrebno je da ima i jednu od automatskih kontrolnih jedinica (automatic control unit) npr. OMD800. Pretpostavka je bila da se ista isporučuje u sklopu motorizirane preklopke.

Međutim, uvidom u katalog proizvođača (ABB) ustanovljeno je da se ista mora posebno poručiti, ako se želi koristiti za kontrolu parametara sistema i upravljanje motorizovane sklopke.

Također, postoji mogućnost da se motorizovanom sklopkom upravlja sa nekim eksternim PLC uređaj, koji će vršiti nadzor parametara sistema, kontrolu i upravljanje motorizovane sklopke.

Ponovnim, detaljnim pregledom je utvrđeno da automatska kontrolna jedinica nije upisana u spisku ekvivalentnog materijala i opreme, odnosno da ponuđač nije predvidio način upravljanja sklopkom (PLC ili automatska kontrolna jedinica).

Zahtijevani režim rada u predviđenoj rekonstrukciji automatike i zamjeni motora na aerodromskim agregatima, odnosno sam način rada zahtijevane automatike, se ne može ispuniti bez navedenih elemenata koji vrše upravljanje i kontrolu motorizovane sklopke.

Uzme li se u obzir sve navedeno, Komisija je predložila Upravi Društva da se žalba prihvati kao OSNOVANA, te da se osporena Odluka o izboru najpovoljnijeg ponuđača poništi i izvrši ponovna evaluacija pristiglih ponuda.

Komisija je nakon ponovne evaluacije ponuda, a imajući u vidu gore utvrđene nedostatke, utvrdila da je jedino ponuda Žalitelja sa ponuđenom cijenom u iznosu od 228.311,00 KM, bez PDV-a dostavljena u skladu sa svim zahtjevima Tenderske dokumentacije u ovom postupku, te da je formalno-pravno, tehnički i računski ispravna i prihvatljiva.

S obzirom na navedeno, Komisija je predložila da se ugovor za predmetni postupak nabavke dodijeli Žalitelju.

S obzirom na naprijed navedeno, Uprava J.P. Međunarodni aerodroma "SARAJEVO" d.o.o. Sarajevo, je postupajući u skladu sa članom 50. stav 3. Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, prihvatila Izvještaj i preporuku Komisije i donijela Odluku kao u dispozitivu.

POUKA O PRAVNOM LIJEKU:

Protiv ove Odluke ne može se izjaviti žalba, niti pokrenuti upravni spor.

Zaštita prava iz osnova predmetne nabavke može se ostvariti podnošenjem redovne tužbe kod nadležnog suda.

DOSTAVLJENO:

1. Upravi Društva
2. Žalitelju (orig.)
3. Ponuđaču ELCOM d.o.o. Tuzla
4. Sektoru razvoja, tehnike i standardizacije
5. Sektoru za administrativnu podršku
 - Služba za komercijalne poslove (orig.)
 - Služba za pravne poslove i protokol
6. a/a

